





«О ТЕБЕ РАДУЕТСЯ»

О Тебѣ радуется, Благодѣтная, всякая тварь, ангельский собор и человеческий род, освященный храмѣ и раю словесный, дѣвственная похвало, из Неяже Бог воплотился и Младенец бысть, прежде век съий Бог наш: ложесна бо Твоя престол сотвори и чрево Твое пространнее небес содела; о Тебѣ радуется, Благодѣтная, всякая тварь, слава Тебѣ.

*Задостойник литургии
святого Василия Великого
Икона XVI в.*





По благословению
Святейшего Патриарха Московского и всея Руси
АЛЕКСИЯ II

ИРМОЛОГИЙ,
с Богом Святым,
обдержай вся ирмосы осмогласника,
Владычних же и Богоматере праздников
и всего лета

Ирмосы 1-го гласа

Песнь 1

Твоя победительная десница / Боголепно в
крепости прославися: / та бо, Безсмертне, / яко
всемогущая противныя сотре, / израильтяном путь
глубины новосоделавшая.

Христос во граде Вифлеемсте младенствует, /
наше, яко Благоутробен, обновляя естество. /
Усердно приидите, земнороднии, / сердцем песнь
сладкопесенную воспойм Владыце во веки: /
славно бо прославися.

В Рождество Христово:

Христос раждается — славите! / Христос с Не-
бес — срящите! / Христос на земли — возноситеся! /
Пойте Господеви, вся земля, / и веселием воспойте,
людие, / яко прославися.

Спасе люди чудодействуяй Владыка, / мокрую
моря волну оземленив древле; / волею же рождься
от Девы, / стезю проходну Небесе полагает нам. /
Егоже, по Существу равна же Отцу и человеком,
славим.

В поклонение Честнаго Креста:

Божественнейший прообрази древле Моисей, /
в Чермнем мори провед Израиля Крестом Твоим, /
воду жезлом пресек, / песнь Тебе исходную / воспе-
вая, Христе Боже.

Ирмологий, с Богородичны всего лета. Ч. 1. — М.: Издатель-
ский Совет Русской Православной Церкви, 2008. — 224 с.

ISBN 978-5-94625-282-9

© Издательский Совет
Русской Православной Церкви, 2008

Во Святую Пасху:

Воскресения день, / просветимся, людие, / Пасха, Господня Пасха: / от смерти бо к Жизни / и от земли к Небеси / Христос Бог нас / преведе, победную поюция.

В неделю Фомы:

Поим, вси людие, / от горькия работы фараони Израиля Измэншему / и во глубине морстэй ногами немокрыми Наставльшему / песнь победную, / яко прославися.

Во Успение Богородицы:

Преукрашенная Божественною славою, / священная и славная, Дево, память Твоя / вся собра к веселию верных, / начинающей Мариаме с лики и тимпаны / Твоему поюция Единородному: / славно яко прославися.

Осмогласника и Введения:

Песнь победную поим вси Богу, / сотворшему дивная чудеса мышцею высокою / и спасшему Израиля, / яко прославися.

Поим Господеви песнь новую, / непроходимое бо оземленив Чермнбе, / пешешествовати сотвори сыном Израилевым, / и сопротивныя враги покры море.

Похвалу Боговидец Моисей Израилю предвозглашает, / начинает же Мариам премудрым женам, / песнь победную Избавителю Богу вси воспойм.

Столпом огненным и облачным Израиля наставляей яко Бог / море разверже, / колесницы же фараоновы глубиною покры, / поим песнь победную, / яко Един прославися.

Горькия работы избавлься Израиль, / непроходимое пройде, яко сушу, / врага зря потопляема, / песнь яко Благодетелю поет Богу, / чудодейшему мышцею высокою, / яко прославися.

Поим песнь новую Богу, / от работы фараоновы / избавльшему сыны Израилевы / и в пустыни тыя препитавшему, / яко славно прославися.

Фараона с колесницами / в мори Христос потопи / и настави люди, поюция и глаголюция: / поим Господеви, / славно бо прославися.

Вознесу Тя, Боже, Спасе мой, / яко воскресл еси от мертвых, / поправ смерть.

Господеви поим победную песнь, / во исходе Израилеве из Египта / Чермнаго моря и Иордана струй огутившему, / Единому преславно, / людем, пешешествующим посреде его, / славно бо прославися.

Помогшему Богу во Египте Моисеови / и тем фараона со всебинством погрузившему, / победную песнь поим, яко прославися.

Песнь 2

Вонми, Небо, и возглаголю, / яко Слово Отчее волею снйде на землю, / приклонив Небеса, и бысть Человек, / да человека спасет, / яко Человеколюбец.

Вонми гласу моему, от Девы Рождейся, / и глаголы моя внуши, / яко Имя Твое дивное, Господи, призвах.

Вонми, Небо, и слыши, землэ, / и Христа воспой, пеленами обвитаго / и вериги прегрешений моих разрешившаго.

Вонми Небо, и возглаголю, / и да слышит земля глаголы уст моих: / яко имя Твое, Господи, призвах.

Вонми, Небо, и возглаголю, / и воспою Христа, Спаса мiрови, / единого Человеколюбца.

Вонми гласу моления моего, / Царю мой и Боже мой, / песненно Тебе вопию, / яко к Тебе помолюся, Господи, / и спаси мя.

Видите, видите, яко Бог Аз есмь, / порабощенныя люди Израилевы / Моисею народоводити в пустыни повелевый / и спасый, яко силен, / властью Моею.

Видите, видите, яко Аз есмь Спас мира, / Свет Истинный, Источник жизни, / Сын Божий.

Песнь 3

Едине, ведый человеческого существа немощ / и милостивно в не вообразя, / препояши мя с высоты силою, / еже вопити Тебе, Святой, / оду-

шевленный храме неизреченныя славы Твоея, Человеколюбче.

Высокоцарствуяй Безначальне, / милостиве Слове, / призри, вонми ми, — / слезоточащая прилежно вопияше Ти древле Анна; / но яко оную услышал еси рыдающую, / и наша утверди мысли, Царю, / достойно пети Твое Рождество.

В Рождество Христово:

Прежде век от Отца рожденному нетленно Сыну / и в последняя от Девы / воплощенному безсеменно, / Христу Богу возопийм: / вознесый рог наш, / Свят еси, Господи.

Призри на пения рабов, Благодетелю, / врага смиряя вознесенную гордыню, / носый же, Всевидче, греха превышше / непоколеблемо утвержденные, Блаже, певцы / основанием веры.

Честнаго Креста:

Утверди, Владыко Христе, Крестом на камени мя веры, / не поколебатися уму прилоги врага злаго, / Един бо еси Свят.

Пасхи:

Приидите, пиво пиём новое, / не от камене неплодна чудодеемое, / но нетления источник, / из гроба одождивша Христа, / в Немже утверждаемся.

Фомы:

Утверди мене, Христе, на недвижимом камени заповедей Твоих / и просвети мя светом лица Твоего: / несть бо свят, паче Тебе, Человеколюбче.

Успения Богородицы:

Соделательная и содержительная всех / Божия мудросте и сило, / непреклонну, недвижиму Церковь утверди, Христе, / Един бо еси Свят, / во святых почиваяй.

Осмогласника:

Камень, егоже небрегоша зиждуции, / сей бысть во главу угла: / той есть Камень, / на немже утверди Церковь Христос, / юже от язык искупй.

Утверждей словом Небеса и землю основавый, Боже, / и мене утверди, вопиюща Тебе песнь: / Свят еси, Господи.

Прежде зачатия честнаго Самуила несумненно Богу обещавши, / священномати Анна ныне, радующийся, поет с нами: / утвердися в Господе сердце мое.

Не мудростию и богатством да хвалится смертный своим, / но верою Господнею, / православно взывая Христу Богу и поя присно: / на камени Твоих заповедей / утверди мя, Владыко.

Введения:

Да утвердится сердце мое в воли Твоей, Христе Боже, / Иже над водами небо утверждей второе / и основаый на водах землю, Всесильне.

Утверди, Господи, Церковь Твою, / юже стяжал еси / силою Креста Твоего, / имже врага победил еси / и просветил еси вселенную.

Утверждение ми буди, / основаый землю на водах, / яко несть свят, паче Тебе, Господи.

Утверждей словом Твоим вселенную, / яже не подвижится, / утверди и нашу мысль в страх Твой, Владыко Господи.

Да утвердится сердце мое надежду, Христе, благ Твоих, / да непрестанно с песнию пение взываю Ти, / ибо несть свят, паче Тебе, Человеколюбче.

Песнь 4

Гору Тя, благодатию Божию приосененную, / прозорливыма Аввакум усмотрив очима, / из Тебе избыти Израилеву провозглашаше Святому / во спасение наше и обновление.

Услышав пророк, Христе, слух Твой, убоясь, / яко имаши от Девы пройти, / и возопи трепетом: слава силе Твоей, Господи.

В Рождество Христово:

Жезл из корене Иессеова / и цвет от него, Христе, / от Девы прозябл еси, / из горы, Хвальный, приосененныя чащи / пришел еси, воплощся от Неискусомужныя, / Невещественный и Боже. / Слава силе Твоей, Господи.

Рода человека обновление / древле, поя, пророк Аввакум предвозвещает, / видети неизреченно сподобився образ: / младый Младенец бо из горы — Девы, изыде / людей во обновление, Слово.

Честнаго Креста:

На Кресте Тя, Сильне, / светило великое виде, / трепетом взятся, / лучи сопрятав, скры. / Вся же тварь воспе со страхом Твое долготерпение, / ибо исполнися земля Твоего хваления.

Пасхи:

На Божественной стражи / Богоглаголивый Аввакум / да станет с нами и покажет / светоносна Ангела, / ясно глаголюща: / днесь спасение миру, / яко воскресе Христос, / яко всемоу.

Фомы:

Велия тайна / Твоего, Христе, смотра: / сию бо свыше провидя Богозрительно, Аввакум, / изшел еси, вопиаше Тебе, / во спасение людей Твоих, Человеколюбче.

Успения:

Речи пророков и гадания / воплощение проявивша от Девы Твое, Христе, / сияние блистания Твоего во свет языков изыдет, / и возгласит Тебе бездна с веселием: / силе Твоей слава, Человеколюбче.

Осмогласника и Введения:

Духом провидя, пророче Аввакуме, Словесе воплощение, / проповедал еси, вопиаше: / внегда приблизитися лето — познаеши, / внегда приити времени — покажеши. / Слава силе Твоей, Господи.

Слыша древле Аввакум, Христе, чудный Твой слух / и страхом взываше: / от юга Бог придет и Святыи от горы приосененныя чаши / спасти помазанныя. / Слава силе Твоей, Господи.

Аввакум, славное Твое пришествие абие, Слово, провидя, вопиаше: / услышах, Господи, яко от горы святыя приидеши / во спасение человеков, / и, страха исполнь быв, взывает: / яко велия дела, Христе мой, Твоея славы.

Слух Твой, Господи, услышах и убояхся, / дела Твоя разумех и ужасохся, / яко Бог, прежде век Сый, от Девы рождешся, бысть Человек.

С чудным ста Аввакумом / на Божественной твоей стражи, Григорие, / и, Суцаго на раму Херувимску познавый, / всемирнаго был еси возве-

ститель спасения, / присно зовый: слава силе Твоей, Господи.

Взятся солнце, и луна ста в чине своем, / вознесся еси, Долготерпеливе, на Древо / и водрузил еси на нем Церковь Твою.

Что вопиеша духом, рцы, пророче, / провидя, ужаснулся еси, / Бога разумев от Девы, / соединена мне плотию, / темже ужасаюся.

Яко Бог воплощается, не пострадав преложения, / Божественный ужасеся, услышав, Аввакум / и, еже в Боговедение от идолонейства / разумев верных спасение, взываше: / Господи, слава силе Твоей.

Услышах, Господи, слух Твой и убояхся, / разумех дела Твоя, — пророк глаголаше, — / и прославих силу Твою.

Воссия благодать Твоя языком, / и видеша концы славу Твою, / яко Крестом Твоим мир весь спасл еси.

Разумех, Всесильне, / Твое смотрение / и со страхом прославих Тя, Спасе.

Услышах, Господи, слух Твой и убояхся, / яко Крестом Твоим мир просветил еси / и нам даровал еси Твое Воскресение.

Слух силы Твоея пророк Аввакум услышав, убояхся, / дела Твоя, Боже, разумев, ужасеся и вопиаше: / слава силе Твоей, Господи.

Песнь 5

Просветивый сиянием / пришествия Твоего, Христе, / и осветивый Крестом Твоим мира концы, / сердца просвети светом Твоего Богоразумия / православно поющих Тя.

О Всевидче, царей славо, / кто Твоему человеколюбию земнородных не удивится? / на земли бо явился еси, не оставль Отеческих, / днесь всю обновляя тварь / и мир, яко един Мироначальник, подай.

В Рождество Христово:

Бог Сый мира, Отец щедрот, / Великаго Совета Твоего Ангела, / мир подавающа, послал еси нам; / тем, Богоразумия к свету наставльшеся, / от нощи утренююще, / славословим Тя, Человеколюбче.

Из но́щи дел омрачѣнныя прелести / очищение нам, Христе, / бо́дренно ныне совершающим песнь, яко Благодетелю, / прииди́, подавая́я удобну стезю, / по нейже востекающе, обрящем славу.

Честнаго Креста:

У́треннююще, Тя воспеваем, / Спасе Щедре, / мир обретше Крестом Твоим, / имже обновил еси род человеческий, / к Свету Невечернему вводя нас.

Пасхи:

У́тренюем у́тренюю глубокú, / и вместо мира песнь принесем Владыце, / и Христа у́зрим, / Правды Солнце, / всем жизнь возсияюща.

Успения Богородицы:

Божию и неизреченную доброту / добродетелей Твоих, Христе, исповѣм: / от Присносущныя бо Славы / Соприсносущное и Ипостасное возсиявый Сияние, / из девственных утробы / сущим во тьме и сени воплощся, / возсиял еси, Солнце.

Осмогласника:

Твой мир даждь нам, / Сыне Божий: / иного бо, разве Тебе бога не знаем, / Имя Твое именуем, / яко Бог живых и мертвых еси.

Фомы:

От но́щи утреннююще, поем Тя, Христе, / Отцу Собезначальна и Спаса душ наших, / мир мiрови подаждь, Человеколюбче.

У́гль горящий, иже до Исаииных устѣн / Серафим приложи некогда, / клещами взем и приложи́; / он же, очищен быв, / — правде научитесь, — всем проповѣдаше.

Свет Твой, Господи, и истину Твою низпосли́, / еже наставить нас на повеления Твоя, / и даруй нам мир Твой, Человеколюбче.

Введения:

Светлый нам возсияй Свет Присносущный, / утреннюющим о судьбахъ заповедей Твоих, / Владыко Человеколюбче, Христе, Боже наш.

От но́щи утреннююще, Тебе славу возсылаем, Господи Боже наш, / Твой мир даждь нам, / яко, разве Тебе, бога иного не ве́мы.

Озари наш ум, Боже, / светом заповедей Твоих /

и светлостию благодати Твоея, / даруя нам, Блаже, Твоя милости, / зане́ свет и мир повеления Твоя.

От но́щи утреннююще, воспеваем Тя, Христе Боже, / обнищавшаго нас ради / и Крест и смерть плотию претерпевшаго.

Свет Твой незаходимый возсияй, Христе, / в сердца верно поющих Тя, / мир подаваяй нам паче ума; / тем, от но́щи невѣдения ко дню Светом Твоим текуще, / славословим Тя, Человеколюбче.

От но́щи невѣдения просвещей концы, / просвети мя утром / человеколюбия Твоего, Господи.

Яко просвещение наше сый, Христе, / просвети нас, Защитителю жизни нашея, / сохрани ны, надеющихся на Тя.

Песнь 6

Обы́де нас последняя бездна, / несть избавляяй, / вменихомся, яко о́вцы заколения, / спаси люди Твоя, Боже наш, / Ты бо крепость немощствующих и исправление.

Во глубину погибели / окаянное естество, Христе мой Спасе, достигшее древле / лежаше, — увы мне! — в тѣмных глубоких, / понѣже Твоею Божественною силою к Небеси́ възыде, / краснейшим добротам, / пожру Тебе, Спасе, вопиет, / жертву хваления.

В Рождество Христово:

Из утробы Иону младенца изблева́ морской зверь, / яко́вá прият; / в Деву же всельшееся Слово / и плоть приемшее прѣйде, сохраншее нетленну: / Егоже бо не пострадá истления, / Рождшую сохрани невреждѣнну.

Обитая Иона в преисподних морских, / приити молящися и бурю утолити; / унзѣн же аз мучащаго стрелю, / Христу воспеваю, зол губителю, / скоро приити Тебе к моей лености.

Креста:

Образ Божественнаго Креста / Иона во чреве китове / простертыма дланма проначертá / и взираше, спасѣн от зверя / силою Твоею, Слове.

Пасхи:

Снизшел еси в преисподняя земли / и сокрушил еси верей вечныя, / содержащия связанныя, Хри-

сте, / и тридневен, яко от кита Иона, / воскресл еси от Гроба.

Фомы:

Пророка спасл еси от кита, Человеколюбче, / и мене из глубины прегрешений / возведи, молюся.

Успения Богородицы:

Морский пучинородный китов внутренний огонь — / тридневнаго Твоего погребения проображение, / егоже Иона пророк показася. / Спасен бо, яко и предпослася, неврежден, вопиюще: / пожру Ти со гласом хваления, Господи.

Осмогласника и Введения:

Пророка Иону подражая, вопию: / живот мой, Блаже, свободи из тли / и спаси мя, Спасе мира, зовуща: слава Тебе.

Из глубины в скорби вопиюще: / возведи от тли живот мой, — / пророк Иона к Тебе, Человеколюбцу.

Иже в понте подъемый злоключение / убежищем бури и метнением жребия / и усты ят быв морскаго зверя, невредимъ пребыв, / но вопиюще Иона к Тебе: / живот мой да взыдет, Христе.

Отвергл мя еси во глубины сердца морскаго, / и спасл еси мя, Спасе, от работы смертных, / и разрешил еси узы беззаконий моих.

Яко Иону пророка, / возведи, Христе Боже, живот мой от тли, / вопию Ти, Человеколюбче, / яко жизнь у Тебе есть, / и нетление, и сила.

Со Ионою вопиём Ти, Господи, / со гласом хваления молящегося: / возведи от тли живот наш.

Весь от страстей безмерных содержуся / и китом зол снизпадох, / но возведи из истления мя, Боже, / якоже прежде Иону, / и верю безстрастие ми даруй, / яко да во гласе хваления и спасения / духом пожру Ти.

Яко во глубины морския отвергся / и углубох * в тимении ** глубины, / от отчаяния умныя зимы ***, / лениности моея, Христе, изми мя, / яко Иону от зверя.

* Углубох — увяз.

** В тимении — в грязи.

*** Умныя зимы — духовного холода.

Песнь 7

Тебе, умную, Богородице, пещь, / рассмотрим, вернии, / якоже бо отроки спасе три Превозносимый, / мир обнови, во чреве Твоем всецел, / хвалный отцев Бог и препрославлен.

Яко отроцы древле, зовем Тебе, Слове: / буди Твоих рабов, Спасе, хранитель и покров / и спаси вся от прилога сопротивнаго, / яко да, поюще Твое Рождество, / во веки, глаголем, благословен еси.

В Рождество Христово:

Отроцы, благочестию совоспитани, / злочестиваго веления небрегше, / огненнаго прещения не убояшася, / но, посреди пламене стояще, пояху: / отцев Боже, благословен еси.

Всецаря любовьию уловении, отроцы / укориша безчисленно ярящая мучителя злобное языковредие, / имже повинуся огонь многих, / Владыще глаголющим: / во веки благословен еси.

Креста:

Из пламене отроки избавлей, / плоть приим, пришел еси на землю / и, на Кресте пригвожден, спасение нам даровал еси, Христе, / един благословен, отцев Боже, / и препрославлен.

Пасхи:

Отроки от пещи избавивый, / быв Человек, / страждет, яко смертен, / и страстию смертное / в нетления облачит благолепие, / един благословен / отцев Бог и препрославлен.

Фомы:

Образу служити / мусикийскому согласию созывающе люди, / от песней сионских поюще отчески, отроцы Давидовы / мучителево разориша злочестивое веление / и пламень в росу преложиша, / песнь воспевающе: / превозносимый отцев и наш Боже, благословен еси.

Успения Богородицы:

Безстудней ярости же и огню / Божественное желание сопротивляясь, / огонь убо орошаше, / ярости же смеяшеся, / Богодохновенною словесною преподобных тривещанною цевницею / про-

тивовещая мусикийским органом посреди пламене: / препрославленный отец и наш Боже, благословен еси.

Осмогласника:

Сушим в пещи отроком Твоим, Спасе, / не прикоснуса, ниже стужи, огонь. / Тогда трие, яко единими усты, пояху / и благословляху, глаголюще: / благословен Бог отец наших.

Проидоша, яко чертог, пещный пламень нестерпимый / иже за благочестие иногда / отроцы святии, показавшеся яве, / и, согласно воспевающе, песнь пояху: / отец Боже, благословен еси.

Авраамстии отроцы в пещи, / Троицу прообразивше, / огненный пламень на росу преложиша / и, поюще, вопияху: / благословен еси, Боже отец наших.

Введения:

Пещь, Спасе, орошашеся, / отроцы же, ликующе, пояху: / отец Боже, благословен еси.

В гремящую пещь сниде Ангел Господень / к сушим о Азарии отроком, / и не прикоснуса их отнюд огонь. / Тогда трие, воспевающе, глаголаху: / благословен еси, Боже отец наших.

Явлёйся в купине законоположнику огнем / и рождество Девы прообразей в ней, / благословен еси, Господи, Боже отец наших.

Вся дела Твоя истинна / и прави путие Твои, / Боже отец наших.

По множеству милости Твоя, / Человеколюбче, сотвори с нами, / да Тебе верно вси, воспевающе, поим, / якоже отроцы: / благословен еси, Боже отец наших.

Песнь 8

В пещи отроцы Израилевы, / якоже в горниле, / добротю благочестия чистее злата блестяхуся, глаголюще: / благословите, вся дела Господня, Господа, / пойте и превозносите во вся веки.

Новодетелю всего мира и Спасителю, / поет Тя вся со Ангелы тварь, / играет, ликует и радуется трепетом: / благословите, глаголющи, / вся дела, честное рождество Избавителя моего, / со мною во веки / любовь превозносящая.

В Рождество Христово:

Чуда преестествонаго / росодательная изобрази пещь образ: / не бо, яже прият, палит юныя, / яко ниже огонь Божества Девы, / в Ньюже вниде утробу. / Тем, воспевающе, воспоём: / да благословит тварь вся Господа / и превозносит во вся веки.

Утробу неопально образуют Отроковицы / иже в Ветсем опаляемии юноши, / преестествонаго раждающую запечатленну. / Обоя же, содеваючи чудодейство едино, / люди к пению возставляет благодать.

Креста:

Руце, в ров верженный львов, / иногда великий во пророцех / крестообразно простер Даниил, / невреден от сих снеди спасеся, / благословя Христа Бога во веки.

Пасхи:

Сей нареченный и Святыи День — / един суббота царь и господь, / праздников праздник / и торжество есть торжеств, / в онже благословим Христа во веки.

Фомы:

В пламени огненне горящая пещи / сохраншаго дети / и во зраце Ангела снишедшаго к ним, / пойте Господа / и превозносите Его во веки.

Успения Богородицы:

Пламень орошающ преподобныя, / злочестивыя же попяляющ, / Ангел Божий всемогущий показав отроком, / живоначальный же источник содела Богородицу, / тлю смерти и живот точащу поющим: / Содетеля единого поим, избавлении, / и превозносим во вся веки.

Осмогласника:

Песнословцы в пещи спасшаго дети / и громопламенную предложшаго на росу, / Христа Бога пойте и превозносите во вся веки.

Песнь Тебе приносим Безплотных, / якоже отроцы в пещи, и, поюще, глаголем: / благословите, вся дела Господня, Господа.

Песнопевцы пещь древле отроки приемши, неопальны сохрани, / посреде же пламене стоящая

согласно пети научи:/ благословите, вся дела Господня, Господа.

Иже пищею не осквернишия отроцы от царския трапезы,/ во огонь, радуящися, внидоша некогда/ и, в пламени прохладяеми,/ усердно пояху:/ благословите, дела Господня, Господа.

Небеса небес и вода, яже превыше небес,/ благословите, пойте Господа/ и превозносите Его во веки.

Введения:

Егоже ужасаются Ангели и вся воинства,/ яко Творца и Господа,/ пойте, священницы, прославите, отроцы,/ благословите, людие,/ и превозносите во вся веки.

Поют Тя вои Ангельстии,/ славит Тя род человеческий,/ священницы, раби и души праведных,/ яко Творца и Господа всех/ во веки.

Трисветлое Существо и Трисолнечная слава/ сниде отроком посреде огня,/ сия невредимы соблюдаючи/ и Воскресение нам предвозвещаючи/ Христа Бога нашего,/ Егоже поют Ангели и множества,/ яко Победителя смерти во веки.

Премудростию и Словом вся составльшаго Бога,/ от языков и варваров избавльшаго нас,/ отроцы, пойте,/ священницы, прославите,/ людие, превозносите во вся веки.

На Синаи купину горящу/ неопальну сохранишаго/ и отроки посреде горящаго пламене избавльшаго Бога,/ пойте, благословите/ и превозносите Его во веки.

Премудростию Небеса утвердившаго,/ и на водах землю основавшаго,/ и тварь всю создавшаго,/ благословите, пойте, священницы, Господа,/ людие, превозносите Его во вся веки.

Царя славы и Победителя смерти,/ Иисуса Назорея,/ Того превозносите во вся веки.

Песнь Ананиеву Безначальному вси Отцу и Богу,/ молитву Азариеву Собезначальному Слову, Сыну Отчу,/ и Мисайлову песнь Божественному Духу и Соприсносущному/ православною верою принесем, людие,/ во спасение наше.

Чуда преестественнаго/ показá образ огнеросная печь древле,/ огонь бо не опали юныя дети,/ Христово являя безсеменное от Девы Божественное рождество./ Тем, воспевающе, воспоем:/ да благословит тварь вся Господа/ и превозносит во вся веки.

Песнь 9

Образ чистаго рождества Твоего/ огнепалимая купина показá неопальная;/ и ныне на нас напастей свирепеющую угасити, молимся, печь,/ да Тя, Богородице,/ непрестанно величаем.

Радуйся, Пресвятая Богоприемная Марие,/ радуйся, Пречистая, падших основание:/ в Тебе бо явился днесь Владыка,/ о, чудесе! обновляяй истлевшия/ и к Свету возводя невечернему, Отроковице.

В Рождество Христово:

Таинство странное вижу и преславное:/ Небо—вертеп, Престол Херувимский—Деву,/ ясли—вместилище,/ в нихже возлеже Невместимый—Христос Бог,/ Егоже, воспевающе, величаем.

Любители убо нам яко безбедное страхом/ удобее молчание,/ любовь же, Дево,/ песни ткати, спротяженно сложенныя, неудобно есть;/ но и, Мати, силу, елико есть произволение, даждь.

Креста:

О Мати, Дево/ и Богородице неложная,/ рождающая безсеменно Христа Бога нашего,/ на Крест вознесшагося плотию./ Тя, вернии вси, достойно с Ним ныне величаем.

Пасхи:

Светися, светися,/ Новый Иерусалиме,/ слава бо Господня/ на тебе возсия,/ ликуй ныне/ и веселися, Сионе./ Ты же, Чистая, красуйся, Богородице,/ о востании Рождества Твоего.

Фомы:

Тебе, светлую свещу и Матерь Божию,/ пречудную славу и вышшую всех тварей,/ песнями величаем.

Успения Богородицы:

Побеждаются естества уставы/ в Тебе, Дево Чистая,/ девствует бо рождество и живот предоб-

ручает смерть:/ по рождестве Дева и по смерти жива,/ спасаеши присно, Богородице, наследие Твое.

Осмогласника и Введения:

Светоносный облак, в онъже всех Владыка,/ яко дождь с небесé на руно, снйде/ и воплотися нас ради,/ быв Человек, Безначальный,/ величаем вси яко Матерь Бога нашего Чистую.

Неизглаболанное Девы таинство:/ Небо возсия, и Престол Херувимский/ и светоносный чертог показася/ Христа Бога Вседержителя./ Сию благочестно яко Богородицу величаем.

Тя, юже виде Моисей, неопалимую купину,/ и лествицу одушевленную,/ юже Иаков виде,/ и дверь Небесную, еюже пройде Христос Бог наш,/ пёсньми, Мати Чистая, величаем.

Иже вышнюю глубину Божественнаго непостижения/ благочестно отверз,/ ум, яко из камéне необъёмлемья/ Богоначальныя возвысил еси Троицы, всеблаженне отче,/ тя величаем.

Радуйся, Богородице Дево, Мати благословенная,/ из Тебе бо пройде Бог воплощенный,/ Сего, славяще и воспевающе, величаем.

Ты вместилище, Чистая, Божественнаго непостижения/ паче естества была еси, яко Богу плоть взаимодавшая/ и Твою девственную не растерзавшая утробу,/ внигда родити безсеменно:/ Тя величаем.

Сотвори державу мышцею Своею,/ низложи бо сильныя со престол/ и вознесé смиренныя Бог Израилев,/ в нихже посетí нас Восток с высоты/ и направил ны есть на путь мира.

Тя, без матере первее/ и без отца второе, яко Бога и Человека/ пёсньми величаем.

Живоприемный источник приснотекущий,/ светоносный светильник благодати,/ храм одушевленный, сень пречистую,/ Небесé и земли пространнейшую,/ Богородицу, вернии, величаем.

Тебе, виденную дверь Иезекиилем пророком,/ еюже никтоже пройде, токмо Бог един,/ Богородице Дево, пёсньми почитаем.

Радуйся, девственная похвало,/ радуйся, Мати Пречистая,/ Юже, вся тварь, Божественными пёсньми величаем.

Служитель безплотный предста, глаголя Благодатней:/ Господь с Тобою!/ Юже величаем.

Тя, в рясны златыя одеянную,/ украшенную Богородицу, голубицу посребренную/ и позлащенную блестянием злата, величаем.

Тя, гору Божию усырэнную,/ в нейже благоволи Бог плотию вселитися,/ Богородице Марие, величаем.

Тебе, Небес вышшую/ и на земли Небо и Престол бывшую, Матерь Божию,/ вси рóди, величаем.

Серафимски, приглашающе, вопиём Ти, Богородице, вернии:/ Тобою возвеличи Господь,/ еже сотворити с нами./ Тем Тя, Чистая,/ и от Тебе неискусомужно воплощеннаго Спаса,/ яко Бога всех, пёсньми величаем.

Неизглаболанна Девы тайна:/ Егоже бо не вместиша горé Небесная величества,/ вмещается во утробу./ Темже, сошедшеся, ублажаем Ю/ и с верою и веселием величаем.

